



La canzone fu cantata da Gloria Christian (la versione è infatti al femminile) alla Piedigrotta 1958 de «La Canzonetta».



## 'O strillo

Musica di **Edoardo Alfieri**

### 1.

Io so' sempre cchiù 'nnammurata  
d'e canzone 'e tant'anne fa.  
Tu sì ' a giuventù bruciata,  
tu si pazzo p'e nuvità.  
'O cazone alla Tom Mix  
stritto, stritto tu puorte mo',  
miette 'o disco dint'o juke-box,  
lieve e miette «Banana bo»,  
'a canzone c'o strillo.

### **Ritornello**

Tu dice c'accussì se canta mo': oh! oh!  
c'o strillo...  
e vvuò ca io canto alla «Banana bo»: oh! oh!  
c'o strillo...  
«Banana bo», «Banana bi»  
ma che vvò dì  
Mah?...  
Mo' se canta accusì.  
E io faccio tutto chello ca vvuò tu, uh! uh!  
c'o strillo...  
Pecchè mme lasse si nun canto cchiù, uh! uh!  
c'o strillo...  
Ma guarda cca  
mo ch'aggia fà  
pe' te vasà?...  
Amè... eh! eh! - ricà... ah! ah! - namente  
Aggia cantà

### **Finalino**

Americanamente  
Aggia cantà

### 2.

Tutto 'nzieme te si scurdato  
ca sì 'e Napule comm'a mme,  
te si americanizzato,  
mo te cucche 'nnanze 'o chalet.  
E nun pienze a chelle dummeneche  
dint'o vico a ce divertì:  
c'a chitarra e c'a fisarmonica,  
tu cantave «Maria, Marì»...  
e mo' cante cu 'o strillo